



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Doctrina Christiana.

urn:nbn:de:hbz:466:1-10421

ad occasum Solis illius diei, quo concedatur, intelligatur data facultas lucrandi eas, vide *l. more Roman. ff. de feriis*. Quo verò ad iudicia, & alia prædicta, vide *Host. in sum. au. ferus, §. qualiter, n. 3. gloss. in c. 1. de for. & in c. alma mater. de sent. excom. lib. 6. Abb. in c. 2. de ferus, Navar. de hor. Canon. c. 3. num. 34.* Secundò, quando dicitur in indulgentiis, à primis vespertis, non intelliguntur lucrari, nisi finis vespertis, quia excludit *Navar. tract. de lubil. & indulg. in Bull. Greg. XIII. in ver. à primis vespertis, n. 26. vide inferius in verb. terminus.*

Secundò, dies, Consul, annus, & indicto, quando debeant poni in instrumentis & in rescriptis, in legibus, & in statutis, in literis Papæ, & scripturis publicis, sive privatis, & in libro privatarum rationum, & an in his omnibus sint necessariò ponenda omnia prædicta, vel singula, vide *Iason. in l. si aliqua, de divers. rescr. & Covar. var. resol. lib. 1. cap. 12.*

Tertio, quando dies citationis non computetur in termino, vel inter dies dilationum, vide *inferius in ver. terminus.*

DOCTRINA CHRISTIANA.

SUMMARIUM.

- 1 An sit necessaria ad salutem.
- 2 Qui ad eam docendam teneantur, & maximè Curati.
- 3 An Ordinarius possit compellere pueros ut eant ad eam discendam multis & pœnis Ecclesiasticis.

AD primum, Est adeò necessaria, quòd sancti Patres libros de ea integros composuerint, ut *D. August. &*

*alij, & sac. Conc. Trid. sess. 23. de refor. dicit, loquens Sacerdotibus ut doceant populum ea, quæ sunt necessaria ad salutem, & ad minus tenentur sub reatu peccati mortalis scire explicitè de mysteriis fidei, & Christi D. N. præcipuè ea, quæ communiter in Ecclesia solennizantur, prout articulus de Deo trino & uno, Incarnationis, Nativitatis, Passionis, Resurrectionis, & Ascensionis: nam omnes etiam iustissimi hoc scire debent, ista saltem explicitè, cætera verò implicitè, credendo omnia, quæ credit S. mater Ecclesia, D. Thom. 2. 2. quæst. 2. art. 3. in corpore, Scotus 3. sent. d. 25. quæst. 1. Joan. de Bassolis 3. sent. ead. dist. 9. 1. art. 3. & sac. Conc. Trid. sess. 23. c. 14. de reform. & qui ignoraret ipsos articulos, veteor quòd damnaretur, juxta illud *D. Paul. 1. Cor. c. 14. Ignorans ignorabitur, & illud Matth. 25. Nescio vos, & D. Thom. p. 2. q. 76. art. 1. per totum. Sylvest. in ver. fides, num. 6. §. 3. Astens. lib. 2. tit. 15. ar. 3. Navar. c. 11. numer. 18. ad quod animadvertant locorum Ordinarij, quia juxta illud, *Pasce oves meas*, scilicet scientia necessariorum ad salutem, pascere gregem suum tenentur. *D. August. in c. nos autem, de consecr. dist. 2.* imò qui hæc ignoraret, nec esset absolvendus, *Isidor. lib. 1. cap. 13. de summo bono. Symanc. de Cath. instit. tit. 28. num. 8. Navar. de hor. Canon. c. 3. num. 2. & dixi in practica mea pœn. cap. 22. q. 24. concl. 3.***

Ad secundum, quòd Sacerdotes omnes, etiam simplices, bene verum est, quòd tenentur ea scire ad hoc, ut cum Curati fuerint, & ad illud munus assumpti, possint illud exercere: sed non tenentur

tur ex proprio officio, cum hoc sit parochi munus peculiare, ita sac. Conc. Trid. sess. 24. c. 4. §. *idem autem*, ubi Conc. disponit, ut ij, ad quos pertinet, saltem dominicis & alijs festis diebus pueros in singulis parochijs fidei rudimenta docere, possint ab Ordinario, si opus erit, etiam per censuras ecclesiasticas compelli.

Ad tertium. sac. Cong. declar. 6. in hæc verba censuit: *Ordinarius non potest mulctis, & pœnis, etiam in casu notabilis negligentia, aut contumacia, cogere pueros ad discendum doctrinam Christianam, etiamsi hoc fieri voluerint in oppidis, villis, & alijs locis extra civitatem, nec valet, quia Conc. loc. cit. dicit posse compelli per censuras ecclesiasticas, quia ibi loquitur de compulsionibus illorum, quorum interest eam docere, & non de compulsionibus puerorum, sive parentum ipsorum.*

DIOECESANUS.

PRIMO Diœcesanorum appellatione an veniant inferiores Ordinarij, licet habeant jurisdictionem in loco, vide Abb. & gloss. in Clem. 1. de viua & honest. cleric. & gl. in Clem. uni. de foro comp. licet veniant appellatione Ordinariorum, Navar. consi. 2. de cland. dispensat.

Secundo, diœcesis appellatione in dubio potius venit illa, quæ est domicilij, quam quæ est originis, & ita de stylo Curia observari dicit. Nav. consi. 4. de constitu.

DECIMÆ.

S V M M A R I M.

- 1 Quo jure debeantur.
- 2 Quotuplices sint.
- 3 Quibus debeantur.
- 4 A quibus solvi debeant.
- 5 Quantum debeatur illarum ratione.
- 6 An iudex ecclesiasticus possit compellere laicos ad solvendas decimas.
- 7 An consuetudine possint tolli, ne solvantur.
- 8 An laici teneantur deferre eas usque ad horrea Clericorum.
- 9 An solvenda sint deductis expensis.
- 10 Quæ pars decimarum contingat Episcopum.
- 11 Quæ differentia sit inter decimas, & oblationes.
- 12 Consuetudo, ut solvantur ab una Ecclesia alteri Ecclesie quantum temporis exposcat.
- 13 An possint dari in feudum.
- 14 Vbi solvenda sint decimæ prædiales.
- 15 Quid denegantibus decimas.

AD primum. Video D. Thom. 2. 2. q. 77. art. 1. Sot. lib. 9. q. 4. art. 1. Covar. lib. 1. c. 17. num. 2. var. resol. Canonistas in cap. revertimini. 16. q. 1. & in rubr. de decim. extra, & in cap. 1. de decim. lib. 6. Navar. c. 27. n. 28. vide constitu. regni. Quanto, tit. de decim. & Capyc. decisio. 20. tamen sit prima conclusio: Decimæ non sunt de jure divino nec naturali, hanc probat Covar. multis loc. cu. versi. præterea, & potest consolidari ratione: Quod est de jure divino, vel naturali, non potest tolli consuetudine, sed (ut dicam inferius) decimæ tolluntur consuetudine; er-